



JZU BOLNICA „SVETI VRAČEVI“

BIJELJINA

Broj: 7768/25

Dana: 15.12.2025. godine

Na osnovu člana 64. stav (1) tačka a) i člana 70. stav (1), (2), (3) i (6) Zakona o javnim nabavkama BiH („Službeni glasnik BiH“ broj 39/14, 59/22 i 50/24), člana 36. Pravilnika o javnim nabavkama JZU Bolnice „Sveti Vračevi“ Bijeljina, člana 8. Pravilnika o uspostavljanju i radu komisije za nabavke („Službeni glasnik BiH“, broj: 103/14 i 49/23), a na preporuku Komisije za javne nabavke, broj: 7018-3/25 od 11.12.2025. godine, imenovane rješenjem broj: 5784/25 od 02.09.2025. godine, u postupku javne nabavke za nabavku robe – „Potrošni materijal za elektrofiziologiju“ – otvoreni postupak, broj: 5785/25, objavljenom na Portalu javnih nabavki pod brojem: 106-1-1-305-3-233/25, v.d. direktora JZU Bolnice „Sveti Vračevi“ Bijeljina, donosi:

ODLUKU

o poništenju dijela postupka nabavke za nabavku robe –

„POTROŠNI MATERIJAL ZA ELEKTROZIOLOGIJU“

putem otvorenog postupka, broj: 5785/25

Član 1.

U skladu sa članom 69. stav (2) tačka d) Zakona o javnim nabavkama BiH poništava se postupak nabavke broj 5785/25 za LOT:3, jer nijedna od primljenih ponuda nije prihvatljiva.

U skladu sa članom 69. stav (2) tačka a) Zakona o javnim nabavkama BiH poništava se postupak nabavke broj 5785/25 za LOT:7, jer nije dostavljena nijedna ponuda u određenom krajenjem roku.

Član 2.

Ova Odluka stupa na snagu danom donošenja i shodno članu 70. stav (6) i članu 71. Zakona o javnim nabavkama BiH, biće proslijeđena ponuđačima koji su učestvovali u postupku javne nabavke uz istovremeno objavljivanje na veb stranici Ugovornog organa: www.bolnicabijeljina.com.

O b r a z l o ž e n j e

U postupku javne nabavke broj 5785/25 (broj obavještenja na portalu javnih nabavki: 106-1-1-305-3-233/25) za nabavku robe – Potrošni materijal za elektrofiziologiju, po Otvorenom postupku, na protokol JZU Bolnice „Sveti Vračevi“ Bijeljina blagovremeno je zaprimljeno 9 (devet) ponuda:

Red. broj	Reg. br.	Naziv ponuđača
1.	6761/25	„MAKLER RS“ d.o.o. Banja Luka
2.	6800/25	Proma d.o.o. Sarajevo
3.	6926/25	INEL-MED d.o.o. Mostar
4.	6973/25	„ADRIALINE“ d.o.o. Banja Luka
5.	6990/25	S Medical Innovation d.o.o. Banja Luka
6.	6991/25	Bimed d.o.o. Banja Luka
7.	6998/25	Co. Medprom d.o.o. Banja Luka
8.	6999/25	„Medicom“ d.o.o. Bijeljina
9.	7000/25	„OMNIA-MEDIC“ d.o.o. Zenica

Komisija za nabavku imenovana Rješenjem broj 6414/25 od 06.10.2025. godine izvršila je javno otvaranje pristiglih ponuda, pregled, analizu i ocjenu ponuda, te konstatovala da su ponude „**Makler RS**“ d.o.o. Banja Luka, „**Proma**“ d.o.o. Sarajevo, „**Inel-med**“ d.o.o. Mostar, „**Adrialine**“ d.o.o. Banja Luka (osim za lot 3), „**S medical innovation**“ d.o.o. Banja Luka, „**Bimed**“ d.o.o. Banja Luka, „**Co.medprom**“ d.o.o. Banja Luka, „**Medicom**“ d.o.o. Bijeljina i „**Omnia-medic**“ d.o.o. Zenica prihvatljive, dok je ponuda „**Adrialine**“ d.o.o. Banja Luka za lot 3 neprihvatljiva.

Ponuda „Adrialine“ d.o.o. Banja Luka za LOT 3 je neprihvatljiva za Ugovorni organ iz sledećih razloga:

- *tačkom 3.3. tenderske dokumentacije broj 5785/25 od ponuđača je traženo da dokažu da je roba koju nude registrovana kod Agencije za lijekove i medicinska sredstva BiH ili da roba posjeduje odgovarajuće uvjerenje o kvalitetu (samo ukoliko medicinskih sredstava traženih javnom nabavkom nema upisanih u registru sredstava kod Agencije za lijekove i medicinska sredstva BiH). Tačkom 4.9. (jezik i pismo ponude) definisano je da se ponuda dostavlja na jednom od službenih jezika u Bosni i Hercegovini na latiničnom ili ćiriličnom pismu, te da sva ostala dokumentacija mora biti na jednom od službenih jezika u BiH izuzev dokaza tehničke i profesionalne sposobnosti i to: EC –Certifikat o usklađenosti ili izjave proizvođača o usklađenosti ponuđenog medicinskog sredstva s evropskom direktivom (Declaration of Conformity) koji se dostavljaju na drugom jeziku i prilažu se uz prevod ovlaštenog sudskog tumača za jezik sa kojeg je prevod izvršen. Uvidom u ponudu „Adrialine“ d.o.o. Banja Luka za lot 3, komisija je konstatovala da je ponuđač za stavke 4.1 i 6.1 navedenog lota dostavio Izjave o usklađenosti medicinskog sredstva na engleskom jeziku, ali da je propustio da dostavi prevod ovlaštenog sudskog tumača kako je definisano tenderskom dokumentacijom. U skladu sa navednim, komisija smatra da ponuda „Adrialine“ d.o.o. Banja Luka za lot 3 nije u skladu sa tenderskom dokumentacijom, te je njegova ponuda za lot 3 neprihvatljiva i odbačena je u skladu sa članom 68. stav (4) tačka i) Zakona o javnim nabavkama BiH.*

Ponuda „S medical innovation“ d.o.o. Banja Luka za lot 12 nije uzeta u obzir i nije bodovana, jer je tačkom 3.3. tenderske dokumentacije broj 5785/25 definisano da će prednost prilikom odabira imati registrovana medicinska sredstva koja ispunjavaju minimalne tehničke karakteristike. S obzirom da je za lot 12 ponuđač „S medical innovation“ d.o.o. Banja Luka ponudio neregistrovano medicinsko sredstvo i kao dokaz tehničke i profesionalne sposobnosti dostavio EU Declaration of Conformity, dok je ponuđač „Adrialine“ d.o.o. Banja Luka ponudio registrovano medicinsko sredstvo, a da je tenderskom dokumentacijom propisano da će se neregistrovana medicinska sredstva uzeti u obzir samo ukoliko ne bude ponuđenih medicinskih sredstva upisanih u registar kod Agencije za lijekove i medicinska sredstva BiH, ponuda „S medical innovation“ d.o.o. Banja Luka, za lot 12, nije uzeta u obzir u daljem toku postupka.

Kako je za lot 3 dostavljena jedna ponuda i ista nije prihvatljiva, dok za lot 7 nije dostavljena ni jedna ponuda odlučeno je kao u dispozitivu.

Pouka o pravnom lijeku

Protiv ove Odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda Zakona i podzakonskih akata od strane ugovornog organa u postupku javne nabavke. Žalba se može izjaviti u roku od 10 dana od dana prijema odluke. Žalba se izjavljuje na način propisan članom 99. Zakona o javnim nabavkama.



V.D. DIREKTOR

Mikajlo Lazić
Prim. dr Mikajlo Lazić

Dostavljeno:

- Ponuđačima
- Odsjeku za javne nabavke
- a/a